



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKA UPRAVA**

Broj: 09-19—5617-1/22  
Sarajevo, 28.07.2022.godine

Bosna i Hercegovina - Federacija Bosne i Hercegovine  
Kanton Sarajevo - GRAD SARAJEVO  
GRADSKO VIJEĆE

PRIMLJENO: 28 JUL 2022			
Org. jed.	Broj	Prilog	Vrijednost
	01-GV-04-1257/22		

**GRADSKO VIJEĆE GRADA SARAJEVA**  
N/r g. Jasmin Ademović, predsjedavajući

**Predmet: Dostava žalbe žalioca pravnog lica Obrtnička radnja-agencija „Mak media“, Sarajevo, vl. Močević Adnan radi prosljeđivanja Komisiji za drugostepeno upravno rješavanje Gradskog vijeća Grada Sarajeva na nadležno postupanje**

U skladu sa članom 235. Zakona o upravnom postupku ("Službene novine Federacije Bosne i Hercegovine", br. 2/98 i 48/99) dostavljamo Vam žalbu žalioca pravnog lica Obrtnička radnja-agencija „Mak media“, Sarajevo, vl. Močević Adnan broj 09-19—5617/22 od 26.07.2022. godine izjavljenu na Rješenje broj 09-19-186-1-1/22 od 13.07.2022. godine, radi prosljeđivanja iste Komisiji za drugostepeno upravno rješavanje Gradskog vijeća Grada Sarajeva i

### **ODGOVOR NA ŽALBU**

#### **S prijedlogom da se žalba odbije kao neosnovana**

Obrazloženje:

Gradonačelnica Grada Sarajeva je donijela Rješenje broj 09-19-186-1-1/22 od 13.07.2022. godine kojim je odbijen zahtjev žalioca pravnog lica Obrtnička radnja-agencija „Mak media“, Sarajevo, vl. Močević Adnan za korištenje priobalnog pojasa uređenih vodotoka u svrhu postavljanja jednostranog reklamnog panoa, na lijevoj obali rijeke Miljacke, nizvodno kod mosta Drvenija, dimenzije reklamnog panoa 10x3 m, zona I, pozicija broj 1.

Žalba je dozvoljena, izjavljena od ovlaštenog lica, blagovremena i uredno taksirana.

Navedeno rješenje je doneseno na osnovu člana 200. Zakona o upravnom postupku ("Službene novine Federacije Bosne i Hercegovine", br. 2/98 i 48/99) i člana 6. Odluke o korištenju, održavanju i čuvanju uređenih korita i obala vodotoka na području Grada Sarajeva ("Službene novine Kantona Sarajevo", broj 2/07) i Izvještaja Komisije za ocjenu prihvatljivosti zahtjeva za izdavanje odobrenja za korištenje uređenih korita i obala vodotoka broj: 09—19-186-1/22 od 18.05.2022. godine propisanog članom 10. stav (3) Pravilnika o visini naknade i načinu plaćanja za korištenja uređenih korita i obala vodotoka na području grada Sarajeva za 2022. godine ("Službene novine Kantona Sarajevo", broj 2/22). Također, uzeto je u obzir uputstvo Komisije za drugostepeno upravno rješavanje Gradskog vijeća Grada Sarajeva koje je navedeno u Rješenju broj 04-GV-04-1044-1/22

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



od 21.06.2022. godine kojim je poništeno prvostepeno rješenje i vraćeno na ponovno odlučivanje po ovom zahtjevu, kojim je traženo da se pojasne dodatno razlozi odbijanja zahtjeva.

Nakon što smo detaljno analizirali žalbu utvrdili smo da je žalitelj naveo da smatra da ipak postoje mogućnosti da mu se izda rješenje i tražena lokacija, a obzirom da je spreman da se u rješenju o saglasnosti postavi uslov uklanjanja bilborda po potrebi Grada Sarajeva za planirane radove u određenom roku. Također, navodi da između bilborda postoji prazan prostor od 3 m, te da je bilbord uglavnom „šupalj“ prostor.

Dalje navodi da smatra da bilbordi imaju minimalan statički uticaj na konstrukciju zida.

Prvostepeni organ cijeni iznesenu spremnost na fleksibilnost žalioca da po zahtjevu nadležne službe Grada Sarajeva u određenom roku ukloni bilbord, međutim velika je mogućnost da se u praksi tako nešto ne provede. Obzirom da Grad Sarajevo daje saglasnost za postavljanje, a žalioac je dužan kod nadležne općine ishodovati potrebnu urbanističku saglasnost, odnosno odobrenje za građenje, čime za kontrolu i uklanjanje bilborda postaje nadležna općinska inspekcija, te Grad Sarajevo gubi direktnu kontrolu nad mogućnošću prisilnog uklanjanja bilborda ukoliko žalioac dobrovoljno, prema izdatom rješenju prvostepenog organa, ne ukloni bilbord.

Također, obzirom da se radi o planiranim radovima u vodotoku koje odlučujuće zavise od vremenskih uslova i nivoa vode u koritu koje se može naglo promijeniti, nije moguće čekati propisane administrativne rokove kako bi se bilbord uklonio, već je potrebno izvršiti ugovoreni posao kada je to moguće u kratom roku povoljnih prilika.

Smatramo proizvoljnom konstataciju žalitelja da bilbordi ne utiču na statiku oštećenog zida, te je u potpunosti odbacujemo obzirom na odgovornost Grada Sarajeva nad uređenim koritom i posljedicom koju može izazvati oštećenje ili rušenje zida.

Grad Sarajevo kao institucija koja upravlja uređenim vodotocima ima puno pravo da odlučuje o svakom pojedinačnom zahtjevu i da daje odobrenje ili da odbije traženo u skladu sa svojom procjenom i svojim potrebama koji proizilaze iz nadležnosti koju ima i planovima koje se sprovode na održavanju uređenih korita.

Smatramo da ukoliko Komisiji za drugostepeno upravno rješavanje Gradskog vijeća Grada Sarajeva uvaži žalbu, odnosno traži da prvostepeni organ udovolji zahtjevu žalioca, mora biti svjesna da time preuzima odgovornost za moguće štetne posljedice te odluke po Grad Sarajevo u smislu mogućeg neizvršenja potpisanih ugovora na održavanju uređenog korita, kao i za moguća oštećenja zida i u krajnjem slučaju za sigurnost vodotoka.

Zbog svega navedenog smatramo da je žalba neosnovana i predlažemo da je drugostepena komisija odbije.



Pomoćnica gradonačelnice  
Merima Arifhodžić, dipl. pravnik

Prilog;

- Pravilnik o visini naknade i načinu plaćanja korištenja uređenih korita i obala vodotoka na području grada Sarajeva za period do donošenja elaborata o vodotocima, odnosno do kraja 2022. godine ("Službene novine Kantona Sarajevo", broj 2/22);
- Zahtjev 09-19-186
- Zapisnik Komisije 09-19-186-1/22
- Rješenje 09-19-186-1-1/22
- Žalba 09-02—4760/22
- Drugostepeno rješenje 04-GV-04-1044-1/22
- Rješenje 09-19-186-1-1/22 od 13.07.2022
- Žalba 09-19—5617 od 26.07.2022

Dostaviti:

- Naslov
- a/a



Broj: 01/09-02--6843/21  
Sarajevo, 31.12.2021. godine

Na osnovu člana 76. stav 1. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) i člana 7. stav 2. Odluke o korištenju, održavanju i čuvanju uređenih korita i obala vodotoka na području grada Sarajeva („Službene novine Kantona Sarajevo“, broj 2/07), gradonačelnica Grada Sarajeva d o n o s i:

## PRAVILNIK

### o visini naknade i načinu plaćanja za korištenja uređenih korita i obala vodotoka na području grada Sarajeva za 2022. godine

#### I OPĆE ODREDBE

##### Član 1.

Ovim Pravilnikom utvrđuje pravo na podnošenje zahtjeva za izdavanje odobrenja za korištenje uređenih vodotoka, visina naknade i način plaćanja korištenja uređenih vodotoka na području grada Sarajeva za 2022. godinu.

##### Član 2.

Uređenim koritom i obalom vodotoka na području grada Sarajeva smatraju se vodotoci iz člana 3. Odluke o korištenju, održavanju i čuvanju uređenih korita i obala vodotoka na području grada Sarajeva („Službene novine Kantona Sarajevo“, broj 2/07).

##### Član 3.

- (1) Pravo na podnošenje pismenih zahtjeva za izdavanje odobrenja za korištenje uređenih korita i obala vodotoka imaju sva fizička i pravna lica.
- (2) Pismeni obrazložen zahtjev se podnosi gradonačelnici Grada Sarajeva i treba da sadrži:
  - a) Rješenje o registraciji za pravna lica, odobrenje za obavljanje djelatnosti za obrt, odnosno ovjerena kopija lične karte i prijavnica mjesta boravka za fizička lica;
  - b) Mikrolokacija na kojoj se traži odobrenje za korištenje (fotomontaža postavljenog objekta i obilježena lokacija na mapi);
  - c) Namjena za koju se namjerava koristiti mikrolokacija, sa naznačenim periodom korištenja.
  - d) Dokaz o izmirenju svih dospjelih novčanih potraživanja prema Gradu Sarajevu – potvrda izdata od strane Gradske službe za finansije (ne starija od 15 dana od dana predaje zahtjeva).
  - e) Obavezna je pravosnažna urbanistička saglasnost za predmetnu lokaciju za sva pravna i fizička lica koja su imala u zakupu površine koje su predmet ovog Pravilnika.

Adresa: Hamdije Kreševljakovića 3  
71000 Sarajevo, BiH  
Tel: +387 33 407 443  
Fax: +387 33 208 341  
Email: grad@sarajevo.ba  
Web: www.sarajevo.ba



#### Član 4.

Zahtjevi se razmatraju dinamikom kako su podneseni.

#### Član 5.

- (1) Ukoliko se dva ili više zahtjeva za istu lokaciju predaju na isti dan, Grad Sarajevo će organizovati licitaciju na kojoj će se odobrenje dodijeliti onom licu koje na licitaciji ponudi veći iznos cijene za korištenje površine.
- (2) Početne cijene licitacije ne mogu biti manje od cijena utvrđenih ovim Pravilnikom.
- (3) Komisiju za provođenje licitacije formirat će gradonačelnica iz reda državnih službenika te će izdati uputstvo o načinu provođenja licitacije.

#### Član 6.

(1) Izuzetno od člana 5. ovog Pravilnika, sva pravna i fizička lica koja imaju u zakupu površine koje su predmet ovog Pravilnika i koji su redovno u mjesečnim iznosima u skladu sa pravosnažnim Rješenjem o davanju saglasnosti o korištenju priobalnog pojasa izmirivali svoje obaveze prema Gradu Sarajevu, imaju pravo podnijeti zahtjev za ponovnu dodjelu iste lokacije bez primjene člana 5. ovog Pravilnika, a u skladu sa članom 3. ovog Pravilnika.

(2) Zahtjev iz stava 1. ovog člana se mora se podnijeti najranije 30 dana te najkasnije 15 dana prije dana isteka važećeg rješenja za dodijeljenu lokaciju, u suprotnom primjenjivat će se postupak iz člana 5. Pravilnika.

(3) Izuzetno od stava 2. ovog člana, pravna i fizička lica kojima su u toku 2021. godine istekla rješenja za dodijeljene lokacije, a koja su u toku 2021. godine podnijela zahtjev za ponovnu dodjelu istih lokacija te čije zahtjeve Grad Sarajevo nije razmatrao zbog Zaključaka Gradskog vijeća Grada Sarajeva (broj O1-GV-02-581-1/21 od 02.06.2021. godine) o zakonskoj neusklađenosti akata koji regulišu ovu materiju, imaju rok od 15 dana od dana stupanja na snagu ovog Pravilnika da podnesu zahtjev u skladu sa stavom 1. ovog člana.

#### Član 7.

Korištenje uređenih korita i obala vodotoka na osnovu zahtjeva iz člana 3. ovog Pravilnika ne može biti duže od 31.12.2022. godine.

#### Član 8.

- (1) Za korištenje uređenih korita i obala vodotoka podnosilac zahtjeva dužan je da plati odgovarajuću naknadu.
- (2) Naknada za korištenje uređenih vodotoka naplaćuje se za postavljanje znakova informacija, postavljanje reklamnih panoa i drugih vrsta reklamnog materijala, postavljanje objekata komunalne infrastrukture i urbanog mobilijara, hortikulturno uređenje i postavljanje objekata privremenog karaktera (kiosci, ljetne bašte, prodajnih i reklamnih objekata i drugo utvrđenom članom 2. Zakona o privremenom korištenju javnih površina na području Kantona Sarajevo) te za sport i rekreaciju na vodama.

#### Član 9.

- (1) Za korisnika za kojeg se u toku postupka izdavanja odobrenja utvrdi da od ranije ima dospjele, a neizmirene naknade utvrđene u članu 3. stav 2. tačka e, neće se izdati odobrenje.

#### Član 10.

- (1) Gradonačelnica Grada Sarajeva će pismeno obrazložene zahtjeve iz člana 3. ovog Pravilnika

dostaviti na daljnje postupanje Komisiji za ocjenu prihvatljivosti zahtjeva za izdavanje odobrenja za korištenje uređenih korita i obala vodotoka (u daljnjem tekstu: Komisija).

(2) Komisija iz stava 1. ovog člana ima ukupno 6 članova, i to 3 stalna i 3 zamjenska člana, a sastavljena je od stručnih lica Grada Sarajeva i formira je gradonačelnica Grada Sarajeva Rješenjem.

(3) Komisija nadležnoj Službi dostavlja Zapisnik sa preporukom o prihvatljivosti zahtjeva za izdavanje odobrenja za korištenje uređenih korita obala vodotoka, vodeći računa o ispunjenosti uslova i potrebnoj dokumentaciji, a sve u skladu sa odredbama ovog Pravilnika.

(4) Nadležna Služba na osnovu preporuke iz stava 2. ovoga člana donosi odobrenje u formi rješenja.

## **II ZONE UREĐENIH VODOTOKA**

### **Član 11.**

Visina mjesečne naknade zavisi od zone u kojoj se nalazi traženi lokalitet.

### **Član 12.**

Ovim Pravilnikom utvrđene su slijedeće zone i to:

**I zona** – uređeni vodotok rijeke Miljacke od Bentbaše do mosta u ulici Hamdije Čemerlića (općina Novo Sarajevo) i uređeni otvoreni dio Koševskog potoka i Bistričkog potoka.

**II zona** – uređeni vodotok rijeke Miljacke od mosta u ulici Hamdije Čemerlića (općina Novo Sarajevo) do završetka regulisanog dijela rijeke Miljacke i regulisani dio rijeke Dobrinje, kao i regulisani dio rijeke Mošćanice.

## **III VISINA I NAČIN PLAĆANJA NAKNADA**

### **Član 13.**

Korisnici uređenih korita i obala vodotoka plaćaju naknadu na način koji je utvrđen u ovom Pravilniku. Prikupljena naknada pripada Gradu Sarajevu i usmjerava se za uređenje korita i obale vodotoka rijeka koje su u nadležnosti Grada Sarajeva.

### **Član 14.**

Visina mjesečne naknade za postavljanje znakova informacija:

I zona .....60 KM/m<sup>2</sup>,

II zona.....40 KM/m<sup>2</sup>.

### **Član 15.**

Visina mjesečne naknade za postavljanje reklamnih panoa i drugih vrsta reklamnog materijala:

I zona (jednostrani reklamni panoi) .....10 KM/m<sup>2</sup>

I zona (dvostrani reklamni panoi) .....12 KM/m<sup>2</sup>

II zona (jednostrani reklamni panoi) .....8 KM/m<sup>2</sup>

II zona (dvostrani reklamni panoi) .....12 KM/m<sup>2</sup>

### **Član 16.**

Visina mjesečne naknade za postavljanje objekata komunalne infrastrukture i urbanog mobilijara:

I zona ..... 20 KM/m<sup>2</sup>  
II zona .....16 KM/m<sup>2</sup>

#### **Član 17.**

Visina mjesečne naknade za postavljanje urbanog mobilijara koji se koristi u reklamne svrhe iznosi:  
I zona ..... 6 KM/m<sup>2</sup> reklamne površine  
II zona .....4 KM/m<sup>2</sup> reklamne površine

#### **Član 18.**

Visina mjesečne naknade za postavljanje objekata privremenog karaktera (kiosci, ljetne bašte, drugih prodajnih i reklamnih objekata):

1. Visina naknade za postavljanje kioska:

I zona.....80 KM/m<sup>2</sup>  
II zona.....70 KM/m<sup>2</sup>

2. Visina naknade za postavljanje ljetne bašte:

I zona (do 50 m<sup>2</sup>).....36 KM/m<sup>2</sup>  
I zona (preko 50 m<sup>2</sup>).....24 KM/m<sup>2</sup>  
II zona (do 50 m<sup>2</sup>).....30 KM/m<sup>2</sup>  
II zona (preko 50 m<sup>2</sup>).....20 KM/m<sup>2</sup>

3. Visina naknade za postavljanje drugih prodajnih i reklamnih objekata:

Naknada za postavljanje pojedinih stolova/tezgi u dane državnih, vjerskih i drugih praznika u periodu od 7 (sedam) dana po jednom prodajnom mjestu maksimalne površine 3m<sup>2</sup>:

u I zoni.....30 KM/m<sup>2</sup>  
u II zoni.....20 KM/m<sup>2</sup>

#### **Član 19.**

Visina mjesečne naknade za sport i rekreaciju na vodama iznosi 400 KM po sezoni.

#### **Član 20.**

Smanjenje cijene zakupa može odobriti gradonačelnica Grada Sarajeva u slučaju važenja stanja prirodne ili druge nesreće, odnosno vanrednog stanja uz prethodnu saglasnost Gradskog vijeća.

#### **Član 21.**

- (1) Visine naknada iz ovog Pravilnika prikazane su bez PDV-a, teret plaćanja PDV-a snosi korisnik.
- (2) Plaćanje korištenja uređenih korita i obala vodotoka na području grada Sarajeva vrši se 50% avansno, a ostatak utvrđenog iznosa na osnovu mjesečnih računa ispostavljenih najkasnije do 5-og za prethodni mjesec.
- (3) Avans iz stava 2. ovoga člana korisnik je dužan uplatiti prije stavljanja klauzule pravosnažnosti na rješenje o davanju saglasnosti o korištenju priobalnog pojasa.

### **IV NADZOR**


#### **Član 22.**

- (1) Poslove inspeksijskog nadzora nad provođenjem ovog Pravilnika vrše nadležne inspekcije Gradskog inspektorata.
- (2) U provođenju nadzora Gradski inspektor ovlašten je:

- a) Narediti fizičkim i pravnim osobama radnje ako pregledom utvrdi da se one ne obavljaju ili se obavljaju suprotno od ovog Pravilnika i Odluke o korištenju, održavanju i čuvanju uređenih vodotoka na području grada Sarajeva;
- b) Naložiti uklanjanje privremenog objekta-sadržaja postavljenog bez pravosnažnog odobrenja;
- c) Naložiti uklanjanje privremenog objekta-sadržaja nakon isteka roka na koji je odobrenje za korištenje dato;
- d) Pokrenuti prekršajni postupak;
- e) Pregledati da li su ispunjeni uslovi u skladu sa izdanim rješenjima;
- f) Poduzimati i druge radnje i mjere za koje je ovlašten u skladu sa Odlukom o korištenju, održavanju i čuvanju uređenih vodotoka na području grada Sarajeva („Službene novine Kantona Sarajevo”, broj 2/07).

**Član 23.**

- (1) Pravilnik stupa na snagu danom donošenja, a primjenjivat će se od narednog dana stupanja na snagu.
- (2) Pravilnik će se naknadno objaviti u „Službenim novinama Kantona Sarajevo“.



**GRADONAČELNICA**

**Doc. dr. Benjamina Karić**



# „MAK Media“ Sarajevo

Agencija za reklamu i marketing Vl. Moćević A

Zije Dizdarevića 84, 71000 Sarajevo

Tel. ++ 387 (0) 62 972 669

Tel/fax ++387 (0) 33 485 681

Rješenje broj:04-21-190/11

Šifra djelatnosti:73.11 74.402

Ident. Broj: 4302061930001

PDV broj :302061930001

Trans. Račun:1322602011699515

NLB Banka dd Sarajevo

Sarajevo, 07.01.2022.

**KANTON SARAJEVO**

**GRAD SARAJEVO**

**GRADONAČELNIK**

**N/r Gradonačelnice doc. dr. Benjamina Karić**

Bosna i Hercegovina - Federacija Bosna i Hercegovina  
Kanton Sarajevo

11-01-2022

Općina	Gradonačelnica	Ident. broj	Broj priloga
09	19	186	

09  
H-2, \_\_\_\_\_

**Predmet: ZAHTJEV ZA IZDAVANJE ODOBRENJA ZA KORIŠTENJE UREĐENIH VODOTOKA I OBALA VODOTOKA U SVRHU POSTAVLJANJA REKL. PANOVA**

Poštovana Gradonačelnice,

Obraćamo se sa zahtjevom za izdavanje odobrenja za korištenje uređenih vodotoka i obala vodotoka u svrhu postavljanja reklamnih panoa i to:

1. Lijeva obala korita Miljacke od mosta Drvenija nizvodno pozicija 1 dimenzije 10x3m
2. Lijeva obala korita Miljacke od mosta Drvenija nizvodno, pozicija 2 dimenzije 10x3m
3. Lijeva obala korita Miljacke od mosta Drvenija nizvodno, pozicija 3 dimenzije 10x3m
4. Lijeva obala korita Miljacke nizvodno, pozicija 4 dimenzije 10x3m
5. Lijeva obala korita Miljacke nizvodno, pozicija 5 dimenzije 10x3m
6. Lijeva obala korita Miljacke nizvodno, pozicija 6 dimenzije 10x3m
7. Lijeva obala korita Miljacke – nizvodno u krugu parkinga Bosna Auto dimenzije 10x3m
8. Lijeva obala korita Miljacke – Bulevar Meše Selimovića poslije mosta prema RTV domu, pozicija 8 – jednostrani rekl. pano dimenzije 8x3

-Sve reklamne pozicije bi se koristile za postavljanje reklamnih panoa koji bi bili jednostrani.

-Period korištenja bi bio godinu dana sa mogućnošću eventualnog produžetka. Dakle 2022. god.

-S obzirom da se prvi put javljamo sa zahtjevom za izdavanje odobrenja, i da nismo nikada imali ugovor sa Gradom, nemamo nikakvih obaveza po tom osnovu. Ukoliko bude potrebno da za ovu tvrdnju dostavimo potvrdu od strane Gradske službe za finansije, istu možemo dostaviti naknadno.

-Ne posjedujemo nikakve urbanističke saglasnosti po ovom osnovu.

-Prihvatamo visinu mjesečne naknade za postavljanje reklamnih panoa.

-Uz zahtjev dostavljamo fotografije sa markiranim pozicijama za koje se traži odobrenje

-Takođe uz zahtjev dostavljamo Rješenje o obrtu izdatu od općinske službe za privredu i finansije općine Centar

*Na kraju da ipak sa nekoliko rečenica iznesemo svoje viđenje o Pravilniku koji reguliše korištenje uređenih vodotoka i obala vodotoka, a kojim uzgred uopšte nismo zadovoljni.*

*Koliko vidimo svi koji oni se bave varjskim oglašavanjem i imaju želju i potrebu da postavljaju reklamne panoje uz uređena korita i vodotoke, nemaju iste šanse za korištenje pozicija.*

*Uglavnom ovo je urađeno po principu ko je šta zajagmio zajagmio. To postaje njegovo neprikosnoveno pravo. Na kraju zašto smo mi za ovaj pravilnik morali saznati od onih koji već koriste priobalni pojas za postavku reklamnih panoa? Zašto nije objavljen javni poziv i zašto nije napravljena licitacija sa već određenim početnim cijenama? Tako bi se bolje vrednovala pozicije koje su top i time bi se Gradu omogućilo više sredstava u budžet. Na primjer, kako može isto vrijediti kvadrat reklame na Skenderiji uz Koševski potok i kvadrat reklame na Vrbanji?*

*Na ovaj način je radio predhodni Gradonačelnik, a Vi nastavljate na isti način. Potpuno pogrešno. Zar se nije mogao uraditi jedan jednostavan elaborat koji bi jednom zauvijek regulisao ovu oblast u Gradu.*

*Ovo je bila jedinstvena prilika (dok nema važećih ugovora) da se to uradi. I da se onda sve ponudi postupkom licitacije, vrlo transparentno kako bi svi imali iste šanse. A Gradu bi se na taj način pribavilo više sredstava.*

*Navodite da će se zahtjevi razmatrati dinamikom kako su podneseni. A da će, ukoliko se dva ili više zahtjeva za istu lokaciju predaju na isti dan, Grad Sarajevo će organizovati licitaciju. Pa ako je već na neki način predviđena licitacija, zašto ona nije urađena za sve pozicije? Pa nek prođe onaj ko ponudi najviše.*

*Sad bi ovo trebalo ličiti na neku utrku. Samo ste u tom slučaju trebali navesti kad je START odnosno datum i vrijeme? Mislimo da je većina onih koji posjeduju reklamne panoje u pojasu uređenih korita vodotoka već predala zahtjeve. Očigledno se i ovdje lobiralo kako bi se zadržale postojeće pozicije. Ništa novo i sve već viđeno.*

*Najpametnije bi bilo poništiti ovaj pravilnik koji je prepun rupa i nedorečenosti i uraditi elaborat kojim se reguliše korištenje uređenih vodotoka i obala vodotoka.*

*U svakom slučaju ovo naše viđenje je dobronamjerno i shvatite ga kao tako.*

*Nadamo se da će te na naš zahtjev odgovoriti pozitivno.*

*Za sve upite, nejasnoće, dopune i slično stojimo Vam na raspolaganju*

*Srdačan pozdrav,*

*Mak Media Sarajevo*

*Močević Adnan*

*AGENCIJA  
VI. Blasković Kozan  
BEOGRAD, UL. 11. BEOGRADSKA 1111*

Broj:09 – 19- 186-1/22

Sarajevo: 18.05.2022.godine


Izvještaj Komisije za ocjenu prihvatljivosti zahtjeva za izdavanje odobrenja za korištenje uređenih korita i obala vodotoka

**Podnosilac zahtjeva: MAK MEDIA d.o.o. Sarajevo**

**Predmet: Zahtjev za izdavanje odobrenja za korištenje uređenih korita i obala vodotoka rijeke Miljacke za potrebe postavljanja reklamnog panoa**

MAK MEDIA Sarajevo je dana 11.01.2022.godine predmetom broj 09-19-186/22 podnio zahtjev koji se odnosi na izdavanje odobrenja za korištenje uređenih korita i obala vodotoka rijeke Miljacke, u svrhu postavljanja jednostranog reklamnog panoa, na lijevoj obali rijeke Miljacke, nizvodno kod mosta Drvenija, zona I. Dimenzije reklamnog panoa 10x3 m, zona I. Pozicija broj 1. od mosta Drvenija. Uz zahtjev je priložena fotografija kao i lokacija reklamnog panoa/bilborda gore navedenih dimenzija.

Korištenje uređenih obala vodotoka rijeka za postavljanje reklamnih panoa se daje shodno Odluci o korištenju, održavanju i čuvanju uređenih korita i obala vodotoka na području Grada Sarajeva („Službene novine KS“ 02/07) i Pravilnika o visini naknade i načinu plaćanja korištenja uređenih korita i obala vodotoka na području Grada Sarajeva za 2022. godinu (Pravilnik broj 01/09-02-6843/21 od 31.12.2021.godine).



### **Mišljenje:**

Komisija za ocjenu prihvatljivosti zahtjeva za izdavanje odobrenja za korištenje uređenih korita i obala vodotoka nije saglasna sa podnesenim zahtjevom, obzirom da isti ne predstavlja smetnju sa aspekta održavanja, uređenja i upravljanja uređenim vodotokom.

Shodno navedenom Komisija nije saglasna za korištenje uređenih korita i obala vodotoka na području grada Sarajeva u svrhu postavljanja jednostranog reklamnog panoa, na lijevoj obali rijeke Miljacke, nizvodno kod mosta Drvenija, zona I. Dimenzije reklamnog panoa 10x3 m, zona I. Pozicija broj 1. od mosta Drvenija.

Amela Hadžimehmedović..... *Amela Hadžimehmedović*

Jusuf Čosović..... *Jusuf Čosović*

Lejla Šiljević..... *Lejla Šiljević*



Broj: 09-19-186-1-1/22  
Sarajevo, 13.07.2022. godine

Na osnovu člana 200. Zakona o upravnom postupku ("Službene novine Federacije Bosne i Hercegovine", br. 2/98 i 48/99) i člana 6. Odluke o korištenju, održavanju i čuvanju uređenih korita i obala vodotoka na području Grada Sarajeva ("Službene novine Kantona Sarajevo", broj 2/07), rješavajući po zahtjevu pravnog lica Obrtnička radnja-agencija „Mak media“, Sarajevo, vl. Močević Adnan, za izdavanje odobrenja za postavljanje jednostranog reklamnog panoa, na lijevoj obali rijeke Miljacke, nizvodno kod mosta Drvenija dimenzije reklamnog panoa 10x3 m, zona I, pozicija broj 1, broj: 09-19-186/22 od 07.01.2022. godine i Izvještaja Komisije za ocjenu prihvatljivosti zahtjeva za izdavanje odobrenja za korištenje uređenih korita i obala vodotoka broj: 09-19-186-1/22 od 18.05.2022. godine propisanog članom 10. stav (3) Pravilnika o visini naknade i načinu plaćanja za korištenja uređenih korita i obala vodotoka na području grada Sarajeva za 2022. godine ("Službene novine Kantona Sarajevo", broj 2/22), a postupajući po Rješenju Komisije za drugostepeno upravno rješavanje Gradskog Vijeća Grada Sarajeva broj: 04-GV-04-1044-1/22 od 21.06.2022. godine po ovlaštenju Gradonačelnice Grada Sarajeva, broj: 01-04-30-1731-6/21 od 19.04.2021. godine, pomoćnica gradonačelnice za urbano planiranje, investicije, stambene i komunalne poslove donosi::

## **R J E Š E N J E**

**Odbija se** zahtjev pravnog lica Obrtnička radnja-agencija „Mak media“, Sarajevo, vl. Močević Adnan za korištenje priobalnog pojasa rijeke Miljacke u svrhu postavljanja jednostranog reklamnog panoa, na lijevoj obali rijeke Miljacke, nizvodno kod mosta Drvenija dimenzije reklamnog panoa 10x3 m, zona I, pozicija broj 1 od mosta Drvenija.

### **Obrazloženje:**

Pravno lice Obrtnička radnja-agencija „Mak media“, Sarajevo, vl. Močević Adnan, podnijelo je Gradu Sarajevo zahtjev broj: 09-19-186/22 od 07.01.2022. godine za izdavanje odobrenja za postavljanje jednostranog reklamnog panoa, na lijevoj obali rijeke Miljacke, nizvodno kod mosta Drvenija dimenzije reklamnog panoa 10x3 m, zona I, pozicija broj 1 od mosta Drvenija.

U toku postupka rješavanja po predmetnom zahtjevu, u skladu sa članom 10. stav (3) Pravilnika o visini naknade i načinu plaćanja za korištenja uređenih korita i obala vodotoka na području grada Sarajeva za 2022. godine ("Službene novine Kantona Sarajevo", broj 2/22) koji glasi „Komisija nadležnoj Službi dostavlja Zapisnik sa preporukom o prihvatljivosti zahtjeva za izdavanje odobrenja za korištenje uređenih korita obala vodotoka, vodeći računa o ispunjenosti uslova i potrebnoj dokumentaciji, a sve u skladu sa odredbama ovog Pravilnika“, Komisija za ocjenu prihvatljivosti zahtjeva za izdavanje odobrenja za korištenje uređenih korita je dala sljedeće Mišljenje u Izvještaju broj: 09-19-186-1/22 od 18.05.2022. godine: „Komisija za ocjenu prihvatljivosti zahtjeva za izdavanje odobrenja za korištenje uređenih korita i obala vodotoka nije saglasna sa podnesenim zahtjevom, obzirom da isti predstavlja smetnju sa aspekta održavanja, uređenja i upravljanja uređenim vodotokom.

Shodno navedenom Komisija nije saglasna za korištenje uređenih korita i obala vodotoka na području grada Sarajeva u svrhu postavljanja jednostranog reklamnog panoa, na lijevoj obali rijeke Miljacke,



nizvodno kod mosta Drvenija, zona I. Dimenzije reklamnog panoa 10x3 m, zona I. Pozicija broj 1. od mosta Drvenija“.

Uvidom u plan rada nadležne službe za održavanje korita rijeke Miljacke, te uzimajući u obzir provedene javne nabavke u ovoj oblasti, kao i usmene konsultacije sa stručnim licima službe, iskazana je potreba za slobodnim pristupom zidovima korita i između ostalih na lijevoj obali rijeke Miljacke, nizvodno od Drvenije mosta u ulici Hamdije Kreševljakovića, zona I, pozicija broj 1 prema traženom zahtjevu.

Konkretno, u toku 2022. i 2023. godine obavljaju se radovi na pjeskarenju kamenih zidova korita Miljacke na dionici od Bentbaše do Vrbanje, te između ostalih dijelova korita koji također moraju imati slobodan pristup, potreban je slobodan pristup izvođaču radova i na predmetnoj lokaciji.

Dodatni razlog je to što su uočena oštećenja na kamenim zidovima korita na traženoj lokaciji koja potencijalno ugrožavaju stabilost, te je potrebno pristupiti ispitivanju stabilnosti zida i eventualnom saniranju.

Na osnovu naprijed utvrđenog, rješeno je kao u dispozitivu Rješenja.

**Pouka o pravnom lijeku:**

Protiv ovog rješenja može se izjaviti žalba Komisiji za drugostepeno upravno rješavanje Gradskog vijeća Grada Sarajeva, putem Službe za urbano planiranje, investicije, stambene i komunalne poslove, u roku od 15 (petnaest) dana od dana prijema Rješenja, a ista se taksira sa 6 KM administrativne takse shodno odredbama Zakona o administrativnim taksama („Službene novine Kantona Sarajevo“, br. 30/01 - prečišćeni tekst, 22/02, 10/05, 26/08 i 23/16).

  
Pomoćnica gradonačelnice  
Merima Arifhodžić, dipl. pravnik

**Dostaviti:**

- Obrtnička radnja-agencija „Mak media“, Sarajevo, vl. Močević Adnan, ul. Zije Dizdarevića br. 84, 71 000 Sarajevo;
- Gradski inspektorat;
- Gradska služba za urbano planiranje, investicije, stambene i komunalne poslove;
- Gradska služba finansija;
- evidencija.

Bureau de dépôt Prijemna pošta		Date Datum	
Destinataire de l'envoi Primalac pošiljke			
Nature de l'envoi / Vrsta pošiljke			
<input type="checkbox"/> Prioritaire / Lettre Prioritetna / Pismo	<input type="checkbox"/> Non prioritaire / imprimé Neprioritetna / tiskanica	<input type="checkbox"/> Colis Paket	<input type="checkbox"/>
<input checked="" type="checkbox"/> Recommandé Preporučena	<input type="checkbox"/> Livraison attestée Potvrđeno uručenje	<input type="checkbox"/> Valeur déclarée Vrijednosna	
N de l'envoi Br. pošiljke	Montant Iznos		
<input type="checkbox"/> Mandat ordinaire Redovna uputnica de versement uplatnica	<input type="checkbox"/> Chèque d'assignation Isplata ček	Montant Iznos	
<b>A compléter à destination / Ispunjava se na odredištu</b>			
L'envoi mentionné ci-dessus a été dument Gore navedena pošiljka bila je			
<input type="checkbox"/> remis uručena	<input type="checkbox"/> payé isplaćena	<input type="checkbox"/> inscrit en CCP upisana u posmatani tekući račun	
Date et signature* Datum i potpis*			

Oznaka za narudžbu: CN 07

\* Cet avis pourra être signé par le destinataire ou, si les règlements du pays de destination le prévoient, par une autre personne autorisée ou par l'agent du bureau de destination.  
\* Ovu obavijest može potpisati primalac ili, ako to propisi određene zemlje dozvoljavaju, druga ovlaštena osoba ili radnik određene pošte

A. R.

Service des postes  
Poštanska služba

Timbre du bureau renvoyant l'avis  
Žig pošte vraćajuća obavijest

Prioritaire / Par avion  
Prioritetno / Avionom

Renvoyer à  
Vratiti

Nom ou raison sociale Ime ili naziv firme	GRAD SARAJEVO	(09/
Rue et n. Ulica i br.	DEMACUJAG	
Localité et pays Mjesto i zemlja	SARAJEVO	BH

A remplir par l'expéditeur  
Ispunjava pošiljalac



**„MAK Media“ Sarajevo**  
Agencija za reklamu i marketing VI. Moćević A  
Zije Dizdarevića 84, 71000 Sarajevo  
Tel. ++ 387 (0) 62 972 669  
Tel/fax ++387 (0) 33 485 681

Rješenje broj:04-21-190/11  
Šifra djelatnosti:73.11 74.402  
Ident. Broj: 4302061930001  
PDV broj :302061930001  
Trans. Račun:1322602011699515  
NLB Banka dd Sarajevo

Sarajevo, 08.06.2022.

**GRAD SARAJEVO**  
**GRADSKA UPRAVA**  
Komisija za drugostepeno upravno rješavanje  
Gradskog vijeća Grada Sarajevo

Bosna i Hercegovina-Federacija Bosna i Hercegovina  
Kanton Sarajevo - GRAD SARAJEVO  
GRADONAČELNIK

09-06-2022

PRIMLJENO:			
Organizaciona jedinica	Klasifikaciona oznaka	Redni broj	Broj priloga
09	02	4760	

**Putem:**

**Služba za urbano planiranje, investicije,  
Stambene i komunalne poslove**

**Predmet: ŽALBA na Rješenje broj:09-19-186-1-1/22 od 24.05.2022. god.**

Poštovani,

Koristimo zakonsku mogućnost da se u roku žalimo na Rješenje broj: 09-19-186-1-1/22 od 24.05.2022. god.

Rješenjem se odbija zahtjev Obrtnička radnja – Agencija MAK Media Sarajevo za korištenje priobalnog pojasa rijeke Miljacke u svrhu postavljanja jednostranog reklamnog panoa na lijevoj obali rijeke Miljacke, nizvodno od mosta Drvenija, dimenzije 10x3, zona I, pozicija broj 1, a zbog potrebe održavanja uređenog korita

Kao što se da vidjeti u obrazloženju, Komisija se na naš zahtjev od 07.01.2022. godine očitovala 18.05.2022. godine nakon što smo tog istog dana pismenim putem zatražili urgenciju kod Gradnačelnice za rješavanje našeg zahtjeva.

Komisija je dala negativno mišljenje.

Mi smo 07.01.2022. godine podnijeli zahtjev za izdavanje odobrenja za korištenje uređenih vodotoka i obala vodotoka u svrhu postavljanja reklamnih panoa za 8 pozicija. Ponavljamo 8 (osam) pozicija. Potom hronološki dobijamo odgovore;

- Za poziciju broj 8 negativno rješenje od 07.02.2022. godine
- Za poziciju broj 5 i 6 pozitivno rješenje od 06.04.2022. godine
- Za poziciju broj 7 pozitivno rješenje od 20.04.2022. godine
- Za poziciju broj 3 pozitivno rješenje od 25.04.2022. godine
- Za pozicije broj 1 i 2 negativno rješenje od 24.05.2022. godine (nakon naše urgencije od 18.05.2022.)
- Za poziciju broj 4 negativno rješenje od 27.05.2022. (nakon naše urgencije od 18.05.2022.)

Namjerno navodimo ovu hronologiju iz razloga što naši zahtjevi nisu riješavani onako kako su navedeni tj. kako su i numerisani i kako bi bilo prirodno da su riješavani. A jasno se u pravilniku

navodi da se zahtjevi rješavaju dinamikom kako su i podneseni. Zbog toga mislimo da se sa ovim našim zahtjevom ipak kalkulisalo.

Nadalje, znamo da su ranijih godina na ove iste pozicije izdavana pozitivna rješenja.

Zbog toga bi bilo od koristi da se pojasni šta se to promijenilo u pogledu potrebe održavanja korita, na način da su baš ove pozicije presudne za održavanje. I u kom smislu bi eventualne reklame negativno uticale na održavanje.

Mišljenja smo da realno nema nikakve smetnje da se ponovo daju pozitivna rješenja, posebno navodeći razloge komisije koja navodi da se zbog potrebe održavanja uređanog korita ne može dati pozitivno mišljenje.

Ovo je veoma šturo mišljenje komisije i mislimo da je ono kreirano proizvoljno kako bi se zatvorio naš zahtjev i išlo linijom manjeg otpora.

Molimo Komisiju da uvaži naš prigovor, poništi Rješenje i predmet vrati nadležnoj službi na ponovno rješavanje.

Srdačan pozdrav,

Mak Media Sarajevo

Močević Adnan

Agencija "MAK media"  
ul. Maslinska 14  
81000 Sarajevo, BiH







**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKA UPRAVA**

Broj: 09-02—4760-1/22  
Sarajevo, 14.06.2022.godine

**GRADSKO VIJEĆE GRADA SARAJEVA**  
N/r g. Jasmin Ademović, predsjedavajući

Bosna i Hercegovina - Federacija Bosne i Hercegovine  
Kanton Sarajevo - GRAD SARAJEVO  
GRADSKO VIJEĆE

PRIMLJENO: 15 JUN 2022			
Orig. jed.	Broj	Prilog	Vrijednost
01-02-09-	1014/	22	

**Predmet: Dostava žalbe žalioca pravnog lica Obrtnička radnja-agencija „Mak media“, Sarajevo, vl. Močević Adnan radi prosljeđivanja Komisiji za drugostepeno upravno rješavanje Gradskog vijeća Grada Sarajeva na nadležno postupanje**

U skladu sa članom 235. Zakona o upravnom postupku ("Službene novine Federacije Bosne i Hercegovine", br. 2/98 i 48/99) dostavljamo Vam žalbu žalioca pravnog lica Obrtnička radnja-agencija „Mak media“, Sarajevo, vl. Močević Adnan izjavljene na Rješenje broj 09-19-186-1-1/22 od 24.05.2022. godine, radi prosljeđivanja iste Komisiji za drugostepeno upravno rješavanje Gradskog vijeća Grada Sarajeva i

### **ODGOVOR NA ŽALBU**

**S prijedlogom da se žalba odbije kao neosnovana**

**Obrazloženje:**

Gradonačelnica Grada Sarajeva je donijela Rješenje broj 09-19-186-1-1/22 od 24.05.2022. godine kojim je odbijen zahtjev žalioca pravnog lica Obrtnička radnja-agencija „Mak media“, Sarajevo, vl. Močević Adnan za korištenje priobalnog pojasa uređenih vodotoka u svrhu postavljanja jednostranog reklamnog panoa, na lijevoj obali rijeke Miljacke, nizvodno kod mosta Drvenija, dimenzije reklamnog panoa 10x3 m, zona I, pozicija broj 1.

Žalba je dozvoljena, izjavljena od ovlaštenog lica, blagovremena i uredno taksirana.

Navedeno rješenje je doneseno na osnovu člana 200. Zakona o upravnom postupku ("Službene novine Federacije Bosne i Hercegovine", br. 2/98 i 48/99) i člana 6. Odluke o korištenju, održavanju i čuvanju uređenih korita i obala vodotoka na području Grada Sarajeva ("Službene novine Kantona Sarajevo", broj 2/07) i Izvještajem Komisije za ocjenu prihvatljivosti zahtjeva za izdavanje odobrenja za korištenje uređenih korita i obala vodotoka broj: 09-19-186-1/22 od 18.05.2022. godine propisanog članom 10. stav (3) Pravilnika o visini naknade i načinu plaćanja za korištenja uređenih korita i obala vodotoka na području grada Sarajeva za 2022. godine ("Službene novine Kantona Sarajevo", broj 2/22).

Nakon što smo detaljno analizirali žalbu utvrdili smo da je žalitelj naveo hronološki red predaje zahtjeva i rješavanja njegovih zahtjeva. Navedena je urgencija za rješavanje zahtjeva koju je žalitelj podnio 18.05.2022. godine, nakon čega je prvostepeni organ riješio zahtjev odbijajući traženo.

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



Dalje se navodi da zahtjevi nisu rješavani kako su podneseni od strane žalitelja, to jest da se kalkuliralo za rješavanje ovog zahtjeva.

Nadalje, traženo je da se pojasne dodatno razlozi odbijanja zahtjeva, obzirom da su kako je žalitelj naveo, predhodnih godina odobravani zahtjevi na ovim lokacijama, te kako će na održavanje korita negativno uticati reklamni panoi.

Prvostepeni organ želi istaći da je žalilac u 2022. godini podnio zahtjev za korištenje priobalnog područja uređenih vodotoka za 8 lokacija. U razumnom roku izdato mu je 1 rješenje kojim se odbija zahtjev i 4 rješenja kojim mu je odobreno korištenje priobalnog područja uređenih vodotoka. Za 3 zahtjeva na dionici između mostova Drvenija i Čobanija među kojima je i ovaj predmetni, nadležna služba je odgodila rješavanje iz razloga planova i potrebe za održavanjem korita Miljacke.

Grad Sarajevo kao institucija koja upravlja uređenim vodotocima ima puno pravo da odlučuje o svakom pojedinačnom zahtjevu i da daje odobrenje ili da odbije traženo u skladu sa svojom procjenom i svojim potrebama koji proizilaze iz nadležnosti koju ima bez dodatnih pravdanja i pojašnjavanja svog stava pored razloga navedenog u izdatom rješenju.

Važno je istaći da je nadležna Komisija za ocjenu prihvatljivosti zahtjeva za izdavanje odobrenja za korištenje uređenih korita i obala vodotoka izašla na teren te u skladu sa operativnim planovima nadležne službe zauzela stav kojim se predmetni zahtjev odbio zbog potrebe održavanja uređenog korita na toj lokaciji, te da je na osnovu Izvještaja navedene komisije prvostepeni organ riješio po ovom pitanju. Predmet je riješen onog trenutka kada su planovi za održavanje uređenog korita postali izvjesni.

Zbog svega navedenog smatramo da je žalba neosnovana i predlažemo da je drugostepena komisija odbije.

Pomoćnica gradonačelnice  
*Merima Arifhodžić*  
Merima Arifhodžić, dipl. pravnik

#### Prilog:

- Odluka o korištenju, održavanju i čuvanju uređenih korita i obala vodotoka na području Grada Sarajeva ("Službene novine Kantona Sarajevo", broj 2/07),
- Pravilnika o visini naknade i načinu plaćanja korištenja uređenih korita i obala vodotoka na području grada Sarajeva za period do donošenja elaborata o vodotocima, odnosno do kraja 2022. godine ("Službene novine Kantona Sarajevo", broj 2/22);
- Zahtjev 09-19-186
- Zapisnik Komisije 09-19-186-1/22
- Rješenje 09-19-186-1-1/22
- Žalba 09-02—4760/22

#### Dostaviti:

- Naslov
- a/a



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

*Komisija za drugostepeno upravno rješavanje  
Gradskog vijeća Grada Sarajeva*

Broj: 04-GV-04-1044-1/22

Datum: 21.06.2022. godine

Na osnovu člana 223. stav 1., u vezi sa članom 239. stav 2. Zakona o upravnom postupku („Službene novine Federacije Bosne i Hercegovine“, br. 2/98 i 48/99) i člana 58. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20, 19/20), Komisija za drugostepeno upravno rješavanje Gradskog vijeća Grada Sarajeva rješavajući po Žalbi pravnog lica „MAK Media“ Sarajevo sa sjedištem u Sarajevu od 08.06.2022. godine, zaprimljenu kod prvostepenog organa dana 09.06.2022. godine pod brojem 09-02-4760/22 na Rješenje Gradonačelnice Grada Sarajeva broj: 09-19-186-1-1/22 od 24.05.2022. godine, na sjednici održanoj 21.06.2022. godine, donosi

**RJEŠENJE**

- 1. Žalba je osnovana.**
- 2. Poništava se Rješenje Gradonačelnice Grada Sarajeva broj: 09-19-186-1-1/22 od 24.05.2022. godine i predmet se vraća Gradonačelnici, kao prvostepenom organu, na ponovni postupak.**

**Obrazloženje**

Rješenjem gradonačelnice Grada Sarajeva broj: 09-19-186-1-1/22 od 24.05.2022. godine odbijen je zahtjev pravnog lica OR „MAK Media“ Sarajevo, vl. Močević Adnan za korištenje priobalnog pojasa rijeke Miljacke u svrhu postavljanja jednostranog reklamnog panoa, na lijevoj obali rijeke Miljacke, nizvodno kod mosta Drvenija, dimenzije reklamnog panoa 10x3m, zona I, pozicija broj 1 od mosta Drvenija.

Prvostepeni organ je u obrazloženju ožalbenog rješenja naveo kako je u toku postupka rješavanja po zahtjevu žalitelja za izdavanje odobrenja za postavljanje navedenog panoa, u skladu sa članom 10. stav 3. Pravilnika o visini naknade i načinu plaćanja za korištenje uređenih korita i obala vodotoka na području grada Sarajeva za 2022. godinu („Službene novine Kantona Sarajevo“, broj 2/22) koji glasi: „Komisija nadležnoj službi dostavlja Zapisnik sa preporukom o prihvatljivosti zahtjeva za izdavanje odobrenja za korištenje uređenih korita obala vodotoka, vodeći računa o ispunjenosti uslova i potrebnoj dokumentaciji, a sve u skladu sa odredbama ovog Pravilnika“, Komisija za ocjenu prihvatljivosti zahtjeva za izdavanje odobrenja za korištenje uređenih korita dala je sljedeće Mišljenje u Izvještaju broj: 09-19-186-1/22 od 18.05.2022. godine: „Komisija za ocjenu prihvatljivosti zahtjeva za izdavanje odobrenja za korištenje uređenih korita i obala vodotoka nije saglasna sa podnesenim zahtjevom, obzirom da isti ne predstavlja smetnju sa aspekta održavanja, uređenja i upravljanja uređenim vodotokom“, te da shodno navedenom Komisija nije saglasna za korištenje uređenih korita i obala vodotoka na području grada Sarajeva u svrhu postavljanja jednostranog reklamnog panoa, na lijevoj obali rijeke Miljacke, nizvodno kod mosta Drvenija, zona I, dimenzije reklamnog panoa 10x3m, zona I, pozicija broj 1. od mosta Drvenija.

Adresa: Hamdije Kreševljakovića 3  
71000 Sarajevo, BiH  
Tel: +387 33 216 659  
Fax: +387 33 205 874  
Email: gsgv@sarajevo.ba  
Web: gradskovijece.sarajevo.ba



Na citirano prvostepeno rješenje pravno lice OR „MAK Media“ Sarajevo, vl. Močević Adnan u svojstvu žalitelja je izjavio žalbu dana 08.06.2022. godine, zaprimljenu kod prvostepenog organa dana 09.06.2022. godine pod brojem 09-02-4760/22.

Žalitelj je u citiranoj žalbi naveo kako je podnio zahtjev za izdavanje odobrenja za korištenje uređenih vodotoka i obala vodotoka za osam pozicija, uključujući i poziciju panoa o kojoj je odlučeno negativno ožalbenim rješenjem, te je istakao kako njegovi zahtjevi nisu rješavani onako kako su navedeni i numerisani, a što je protivno Pravilniku koji propisuje da se zahtjevi rješavaju dinamikom kako su podneseni, te s tim u vezi, nadalje navodi, kako se sa njegovim zahtjevom kalkuliralo.

Isto tako, žalitelj navodi kako mu je poznato da su se ranijih godina za sve tražene pozicije izdavala pozitivna rješenja, te da bi bilo korisno da se pojasni šta se promijenilo u pogledu potrebe održavanja korita na način da su baš ove pozicije presudne za održavanje i u kom smislu bi eventualno reklame negativno uticale na održavanje. Na kraju žalitelj, u okviru žalbenih navoda, ističe kako smatra da nema smetnji da se izda pozitivno rješenje naročito cijeneći razloge Komisije koja navodi da zbog potrebe odražavanja uređenog korita ne može dati pozitivno mišljenje, te da je mišljenje kao takvo šturo i time kreirano proizvoljno.

Prvostepeni organ je dostavio i odgovor na žalbu broj: 09-02-4760-1/22 dana 14.06.2022. godine (zaprimljena kod drugostepenog organa dana 15.06.2022. godine), a kojim je žalba osporavana kao neosnovana iz razloga što navedeno pozivanje na hronološki red predaje zahtjeva i rješavanja istih je iz urgencije za rješavanje zahtjeva koju je žalitelj podnio 18.05.2022. godine, nakon čega je prvostepeni organ riješio zahtijev odbijajući traženo. U pogledu ostalih žalbenih navoda, prvostepeni organ je naveo da je žalitelj u 2022. godini podnio zahtjev za korištenje priobalnog područja uređenih vodotoka za osam lokacija, da mu je u razumnom roku izdato jedno rješenje kojim se odbija zahtjev i četiri kojim mu je odobreno korištenje priobalnog područja uređenih vodotoka, te da je za tri zahtjeva na dionici između mostova Drvenija i Čobanija među kojima je predmetni nadležna služba odgodila rješavanje iz razloga planova i potrebe za održavanjem korita Miljacke. Na kraju je navedeno i kako Grad ima puno pravo da odlučuje o svakom pojedinačnom zahtjevu i da daje odobrenje ili odbije traženo u skladu sa svojom procjenom i svojim potrebama koji proizilaze iz nadležnosti bez dodatnih pravdanja i pojašnjenja, da je nadležna Komisija u konkretnom slučaju izašla na teren te u skladu sa operativnim planovima nadležne službe zauzela stav kojim se predmetni zahtjev odbio zbog potrebe održavanja uređenog korita na toj lokaciji, te da je predmet riješen onog trenutka kada su planovi za održavanje uređenog korita postali izvjesni.

Komisija za drugostepeno upravno rješavanje Gradskog vijeća Grada Sarajeva je nakon razmatranja žalbe pravnog lica OR „MAK Media“ Sarajevo našla da je žalba blagovremena, dopuštena, izjavljena od strane ovlaštene osobe i osnovana u pogledu određenih žalbenih navoda.

Žalbeni navod žalitelja u dijelu kojim navodi da je podnio zahtjev za izdavanje odobrenja za korištenje uređenih vodotoka i obala vodotoka za osam pozicija, uključujući i poziciju panoa o kojoj je odlučeno negativno ožalbenim rješenjem, te da njegovi zahtjevi nisu rješavani onako kako su navedeni i numerisani, a što je protivno Pravilniku koji propisuje da se zahtjevi rješavaju dinamikom kako su podneseni i što ga upućuje na zaključak da se kalkuliralo sa zahtjevom, Komisija nije cijnila u smislu da je njime dovedena u pitanje materijalna i procesna zakonitost prvostepenog rješenja obzirom da je iz spisa predmeta jasno da redosljed podnošenja zahtjeva nije bio od značaja za rješavanje ove konkretne upravne stvari. Dalji navodi žalitelja o tome kako se ovim kalkuliralo sa njegovim zahtjevom su, stoga, u cijelosti paušalni, a time i neosnovani.

Komisija je našla opravdanim žalbene navode žalitelja u dijelu kojim osporava ožalbeno rješenje navodeći kako bi u ožalbenom rješenju bilo korisno da se pojasni šta se promijenilo u pogledu potrebe održavanja korita na način da su baš ove pozicije presudne za održavanje i u kom smislu bi eventualno reklame negativno uticale na održavanje, te da je Mišljenje Komisije kao takvo šturo i time proizvoljno. Uvidom u spis predmeta i sadržaj ožalbenog rješenja, Komisija je našla kako prvostepeni organ u obrazloženju rješenja nije ponudio nikakve razloge, činjenice i/ili dokaze radi kojih je odbio žalitelja u dispozitivu, te je time dispozitiv pobijanog rješenja u protivrječnosti sa obrazloženjem u kojem nisu navedeni razlozi radi kojih je žalitelj odbijen sa svojim zahtjevom. Štaviše, prvostepeni organ je u dijelu obrazloženja u kojem se poziva na Mišljenje Komisije za ocjenu prihvatljivosti zahtjeva za izdavanje odobrenja za korištenje uređenih korita broj: 09-19-186-1/22 od 18.05.2022. godine dodatno naglasio ovu diskrepanciju citirajući sljedeći stav Komisije: „Komisija za ocjenu prihvatljivosti zahtjeva za izdavanje odobrenja za korištenje uređenih korita i obala vodotoka nije saglasna sa podnesenim zahtjevom, obzirom da isti ne predstavlja smetnju sa aspekta održavanja, uređenja i upravljanja uređenim vodotokom“. U preostalom dijelu obrazloženja rješenja se navodi da Komisija nije saglasna bez da se navode razlozi izostanka saglasnosti Komisije, te veza između Mišljenja Komisije i dispozitiva rješenja. Odgovor na žalbu prvostepenog organa je elaborirao da su u pitanju razlozi planova i potreba za održavanjem korita Miljacke, ali navedeno nije sadržano niti elaborirano u obrazloženju pobijanog rješenja, kao ni pravni osnov temeljem kojeg prvostepeni organ cijeni Mišljenje Komisije kao činjenicu koja ima presudni značaj kod rješavanja upravne stvari.

Cijeneći sve naprijed navedeno, Komisija za drugostepeno upravno rješavanje Gradskog vijeća Grada Sarajeva poništava Rješenje Gradonačelnice broj: 09-19-186-1-1/22 od 24.05.2022. godine i predmet vraća Gradonačelnici, kao prvostepenom organu, na ponovni postupak u kojem će uskladiti dispozitiv rješenja sa njegovim obrazloženjem, jasno elaborirajući razloge, činjenice i pravni osnov kojim se vodio prilikom rješavanja upravne stvari.

#### **Pouka o pravnom lijeku:**

Protiv ovog rješenja ne može se izjaviti žalba, ali se može pokrenuti upravni spor.

Upravni spor se pokreće tužbom pred Kantonalnim sudom u Sarajevu u roku od 30 dana od dana prijema ovog rješenja.

PREDSJEDAVAJUĆI KOMISIJE  
  
*Kenan Mamić*

Dostaviti:

- Gradonačelnici,
- OR „MAK Media“ Sarajevo,  
Ul. Zije Dizdarevića br. 84, Sarajevo
- U spis,
- a/a.

EU-1044-1

A. R.

Service des postes  
Poštanska služba

Timbre du bureau renvoyant l'avis  
Žig pošte koja vraća obavijest



Prioritaire / Par avion  
Prioritetno / Avionom

Renvoyer à  
Vratiti

Nom ou raison sociale Ime ili naziv firme	GRAD SARAJEVO (09)
Rue et n. Ulica i br.	CEMALUTA 9
Localité et pays Mjesto i zemlja	SARAJEVO, BiH

A remplir par l'expéditeur  
Ispunjava pošiljalac

Bureau de dépôt Prijemna pošta	Date Datum
Destinataire de l'envoi Primalac pošiljke A.R. MAK MEDIA Bije Dizdarevića 84, Sarajevo	
Nature de l'envoi / Vrsta pošiljke	
<input type="checkbox"/> Prioritaire / Lettre Prioritetna / Pismo	<input type="checkbox"/> Non prioritaire / imprimé Neprioritetna / listanica
<input type="checkbox"/> Colis Paket	<input type="checkbox"/>
<input checked="" type="checkbox"/> Recommandé Preporučena	<input type="checkbox"/> Livraison attestée Potvrđeno uručenje
<input type="checkbox"/> Valeur déclarée Vrijednosna	<input type="checkbox"/>
N° de l'envoi Br. pošiljke ES3P4531018R	Montant Iznos
<input type="checkbox"/> Mandat ordinaire Redovna uputnica de versement uplatnica	<input type="checkbox"/> Chèque d'assignation Isplatni ček
<input type="checkbox"/> Montant Iznos	<input type="checkbox"/>

Oznaka za narudžbu: CN 07

**A compléter à destination / Ispunjava se na odredištu**

L'envoi mentionné ci-dessus a été dument  
Gore navedena pošiljka bila je

<input type="checkbox"/> remis uručena	<input type="checkbox"/> payé isplaćena	<input type="checkbox"/> inscrit en CCP upisana u poštanski tekući račun
---	--	---

Date et signature\*  
Datum i potpis\*  
06.07.21. *[Signature]*

\* Cet avis pourra être signé par le destinataire ou, si les règlements du pays de destination le prévoient, par une autre personne autorisée ou par l'agent du bureau de destination.  
\* Ovu obavijest može potpisati primalac ili, ako to propisi odredišne zemlje dozvoljavaju, druga ovlaštena osoba ili radnik odredišne pošte



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKA UPRAVA**

Broj: 09-19-186-1-1/22  
Sarajevo, 24.05.2022. godine

Na osnovu člana 200. Zakona o upravnom postupku ("Službene novine Federacije Bosne i Hercegovine", br. 2/98 i 48/99) i člana 6. Odluke o korištenju, održavanju i čuvanju uređenih korita i obala vodotoka na području Grada Sarajeva ("Službene novine Kantona Sarajevo", broj 2/07), rješavajući po zahtjevu pravnog lica Obrtnička radnja-agencija „Mak media“, Sarajevo, vl. Močević Adnan, za izdavanje odobrenja za postavljanje jednostranog reklamnog panoa, na lijevoj obali rijeke Miljacke, nizvodno kod mosta Drvenija dimenzije reklamnog panoa 10x3 m, zona I, pozicija broj 1, broj: 09-19-186/22 od 07.01.2022. godine i Izvještaja Komisije za ocjenu prihvatljivosti zahtjeva za izdavanje odobrenja za korištenje uređenih korita i obala vodotoka broj: 09-19-186-1/22 od 18.05.2022. godine propisanog članom 10. stav (3) Pravilnika o visini naknade i načinu plaćanja za korištenja uređenih korita i obala vodotoka na području grada Sarajeva za 2022. godine ("Službene novine Kantona Sarajevo", broj 2/22), po ovlaštenju Gradonačelnice Grada Sarajeva, broj: 01-04-30-1731-6/21 od 19.04.2021. godine, pomoćnica gradonačelnice za urbano planiranje, investicije, stambene i komunalne poslove donosi::

## RJEŠENJE

**Odbija se zahtjev pravnog lica Obrtnička radnja-agencija „Mak media“, Sarajevo, vl. Močević Adnan za korištenje priobalnog pojasa rijeke Miljacke u svrhu postavljanja jednostranog reklamnog panoa, na lijevoj obali rijeke Miljacke, nizvodno kod mosta Drvenija dimenzije reklamnog panoa 10x3 m, zona I, pozicija broj 1 od mosta Drvenija.**

### Obrazloženje:

Pravno lice Obrtnička radnja-agencija „Mak media“, Sarajevo, vl. Močević Adnan, podnijelo je Gradu Sarajevo zahtjev broj: 09-19-186/22 od 07.01.2022. godine za izdavanje odobrenja za postavljanje jednostranog reklamnog panoa, na lijevoj obali rijeke Miljacke, nizvodno kod mosta Drvenija dimenzije reklamnog panoa 10x3 m, zona I, pozicija broj 1 od mosta Drvenija.

U toku postupka rješavanja po predmetnom zahtjevu, u skladu sa članom 10. stav (3) Pravilnika o visini naknade i načinu plaćanja za korištenja uređenih korita i obala vodotoka na području grada Sarajeva za 2022. godine ("Službene novine Kantona Sarajevo", broj 2/22) koji glasi „Komisija nadležnoj Služni dostavlja Zapisnik sa preporukom o prihvatljivosti zahtjeva za izdavanje odobrenja za korištenje uređenih korita obala vodotoka, vodeći računa o ispunjenosti uslova i potrebnoj dokumentaciji, a sve u skladu sa odredbama ovog Pravilnika“, Komisija za ocjenu prihvatljivosti zahtjeva za izdavanje odobrenja za korištenje uređenih korita je dala sljedeće Mišljenje u Izvještaju broj: 09-19-186-1/22 od 18.05.2022. godine: „Komisija za ocjenu prihvatljivosti zahtjeva za izdavanje odobrenja za korištenje uređenih korita i obala vodotoka nije saglasna sa podnesenim zahtjevom, obzirom da isti ne predstavlja smetnju sa aspekta održavanja, uređenja i upravljanja uređenim vodotokom.

**Shodno navedenom Komisija nije saglasna za korištenje uređenih korita i obala vodotoka na području grada Sarajeva u svrhu postavljanja jednostranog reklamnog panoa, na lijevoj obali**



rijeke Miljacke, nizvodno kod mosta Drvenija, zona I. Dimenzije reklamnog panoa 10x3 m, zona I. Pozicija broj 1. od mosta Drvenija“.

Na osnovu naprijed utvrđenog, rješeno je kao u dispozitivu Rješenja.

**Pouka o pravnom lijeku:**

Protiv ovog rješenja može se izjaviti žalba Komisiji za drugostepeno upravno rješavanje Gradskog vijeća Grada Sarajeva, putem Službe za urbano planiranje, investicije, stambene i komunalne poslove, u roku od 15 (petnaest) dana od dana prijema Rješenja, a ista se taksira sa 6 KM administrativne takse shodno odredbama Zakona o administrativnim taksama („Službene novine Kantona Sarajevo“, br. 30/01 - prečišćeni tekst, 22/02, 10/05, 26/08 i 23/16).



**Dostaviti:**

- Obrtnička radnja-agencija „Mak media“, Sarajevo, vl. Močević Adnan, ul. Zije Dizdarevića br. 84, 71 000 Sarajevo;
- Gradski inspektorat;
- Gradska služba za za urbano planiranje, investicije, stambene i komunalne poslove;
- Gradska služba finansija;
- evidencija.



**„MAK Media“ Sarajevo**  
Agencija za reklamu i marketing Vl. Močević A  
Zije Dizdarevića 84, 71000 Sarajevo  
Tel. ++387 (0) 62 972 669

Rješenje broj:04-21-190/11  
Šifra djelatnosti:73.11 74.402  
Ident. Broj: 4302061930001  
PDV broj :302061930001  
Trans. Račun:1322602011699515  
NLB Banka dd Sarajevo

Tel/fax ++387 (0) 33 485 681

Bosna i Hercegovina-Federacija Bosne i Hercegovine  
Kanton Sarajevo - GRAD SARAJEVO  
GRADONAČELNIK

Sarajevo, 25.07.2022.

**GRAD SARAJEVO**  
**GRADSKA UPRAVA**  
**Komisija za drugostepeno upravno rješavanje**  
**Gradskog vijeća Grada Sarajevo**

PRILJEŽENO: 26-07-2022			
Organizaciona jedinica	Klasifikaciona oznaka	Redni broj	Broj priloga
09	19	5617	

09

#-24-

**Putem:**

**Služba za urbano planiranje, investicije,**  
**Stambene i komunalne poslove**

**Predmet: ŽALBA na Rješenje broj:09-19-186-1-1/22 od 13.07.2022. god.**

Poštovani,

Koristimo zakonsku mogućnost da se u roku žalimo na Rješenje broj: 09-19-186-1-1/22 od 13.07.2022. god. Rješenjem se odbija zahtjev Obrtnička radnja – Agencija MAK Media Sarajevo za korištenje priobalnog pojasa rijeke Miljacke u svrhu postavljanja jednostranog reklamnog panoa na lijevoj obali rijeke Miljacke, nizvodno u ulici Hamdije Kreševljakovića, dimenzije 10x3, zona I, pozicija broj 2, a zbog potrebe održavanja uređenog korita odnosno slobodnom pristupu zidovima korita.

Mišljenja smo da u ovom slučaju nisu iscrpljene mogućnosti i da se naš zahtjev riješi pozitivno, a na neki način i prikupi određeni prihodi za Grad.

Naime mi smo saglasni, a isto može biti navedeno u rješenju, da smo u slučaju bilo kakvih radova obavezni reklamu ukloniti u određenom roku, odnosno osloboditi prostor kako bi eventualno izvođač mogao nesmetano obavljati radove. Nadalje, mi smo i u zahtjevu na gruboj fotomontaži prikazali međuprostor između reklama od 3m kako bi se moglo pristupiti koritu. Osim toga reklamna konstrukcija je uglavnom „šupalj“ prostor tako da se nakon skidanja reklamnog platna (vrlo jednostavna radnja) otvara pristup zidu i koritu lijeve obale. Što se tiče statičkih uticaja reklame na zid, on je minimalan i ne može značajnije uticati na statiku zida.

Molimo Komisiju da uvaži naš prigovor, poništi Rješenje i predmet vrati nadležnoj službi na ponovno rješavanje.

Srdačan pozdrav,

Mak Media Sarajevo

Agencija "MAK media"  
Vl. Močević Adnan  
Sarajevo, ul. Zije Dizdarevića 84

Močević Adnan

BOSNA I HERCEGOVINA FEDERACIJA BOSNE I HERCEGOVINE KANTON SARAJEVO			
GRAD SARAJEVO			
GRADONAČELNIK			
PRILJEŽENO: 26-07-2022			
Organizaciona jedinica	Klasifikaciona oznaka	Redni broj	Broj priloga
ZKM	ZKM	ZKM	ZKM

26-07-2022